

ad *Blackwater* reformatum, per quod in Comitatum *Tir-Oen* aditus, & præter sylvas & paludes unicum erat rebellibus firmamentum fortissime expugnavit, docuitque si quis insisteret, eos facile profligari posse. Eodem ipso die quo hoc munimentum captum, dum Prorex cum exercitu gratias divino numini de victoria ageret, ad arma ex improvise conclamatum est, hoste se è propinquo colle ostendente, in quem Comes Kildariæ Henricus cum ala equestri & quibusdam è nobilioribus volonibus statim movit, & aggressus in fugam conjecit. Desiderati tamen ex Anglis Franciscus *Vaghan* qui frater Proregis uxori. R. *Turner* Tribunus Major, vir spectatæ militiæ, duo collectanei fratres Comitum Kildariæ, quorum mortem adeo ægre tulit ut ipse paucos post dies præ mœrore expiraverit; (omnes enim omnium charitates collectaneorum in Hibernia amor longe superat) Plures autem vulnerati, inter quos bellica fortitudine nominatissimus erat Thomas Wallerus. Hoc munimento novis operibus restaurato, quam primum Prorex exercitum reduxisset, rebellibus inter spem metum & pudorem fluctuantibus consultissimum munimentum illud obsidione premere visum est: opportunissimum enim ad illos infestandum, & actum de fama & fortuna Comes existimavit, nisi recuperaret. Valida itaque manu circumdedit. In quem statim Prorex continuis itineribus advolat, sed illum plenis passibus ad victorias progredientem vis morbi intempestiva extinxit, magno desiderio bonis, & seditiosis securitate relicta. Vtique si supervixisset, prudentum judicio, spem hostium imminuisset, & in tanta pericula summa rerum non devenisset.

Proregis morte audita rebelles præferoces magno subinde clamore & impetu munimentum invaserunt, sed majore semper clade repulsi, qui scalis ad motus scandebant, præcipitati, à proruente præsidario milite, plurimi obriri, adeo ut viribus jam diffidentes ad moras consilium verterint, persuasi paucorum dierum superesse alimenta, & fluxa præsidiorum ex inopia fides & proditio sperabatur. Verum egregia virtute Thomæ *Williams* Præfecti, & cohortis, locus animose propugnatus, qui famem, ferrum, & extrema passi, absumptis equis, herbas saxi innatas vellentes, nihil non miseriæ pertulerunt.

Iam summum in Hibernia imperium regia ex Anglia autoritate Comiti Ormondæ titulo *Locum-tenentis Exercitus Generalis*, Cancellario, & Roberto Gardenero demandatum erat, *Locum-tenenti* prolaxis literis omnia quæ prius dixi gravamina Comes significat, nec minima vel militum vel Vicecomitum insolentia omiffa, pacta cum Norrisio violata frigide excusat,

*Hibernia.*

inprimis quod *Feogh Mac Hugh* è necessariis suis exagitatus & è medio sublatus erat; denique literas suas ad Reginam in Anglia interceptas & suppressas, nec non *Impositiones & Compositiones* proceribus & plebi intolerandas conqueritur. Addit se pervidere omnia procerum Hiberniæ territoria jamjam inter Consiliarios, caussidicos, milites & scribas distrahenda esse. Simulque opem filiis *Feogh Mac Hugh* subministrat, ut novi belli incendia in Lagenia excitarent. Vt bellum jam susceptum fuisse singuli viderent, non alio consilio (quicquid obtendebatur) quam ad Anglos ex Hibernia omnino deturbandos.

Comes interea obsidionem munimenti ad *Black-water* in obsidione habet, ad quam solvendam *Locum tenens Exercitus generalis*, nam nullus adhuc Prorex substitutus, selectissimas submisit turmas XIV vexillationes sub Henrico *Bagnallo* Marefcallo acerbissimo Comitum adversario, in quem acrioribus ille invidiæ stimulis excitatus prope *Armacham*, acerrime involavit, statimque Marefcallo, in quem omnes vires converterat, inter confertissimos hostes occiso perjucundum de adversario triumphum, & de Anglis victoriam insignem reportavit. Nec sane ex quo in Hibernia pedem firmarunt, major fuit accepta clades, XIII strenuis ordinum ductoribus desideratis, & mille quingentis è gregariis, qui fœda fuga dissipati totis campis palantes cæsi, victique superflites non suam ignaviam, sed ducis imperitiam, quod jam in morem cessit, probrose culparunt. Statim munimenti ad *Black-water* subsequuta est deditio, cum præsidarii fide & armis ad extremam famem retentis afflictissimi spem omnem subsidii evanuisse viderent. Clara hæc victoria & rebellibus inprimis usui qui hinc arma & commeatum naçi, & Comes per Hiberniam magna fama tanquam libertatis auctor ubique celebratus, ferocia & superbia supra modum intumuit, misitque in Momoniam *Oumy-Mac-Rory-Og-O More*, & Tirellum ex Anglica licet origine Anglico nomini infestissimum cum IIIICIO prædonibus, contra quos ad *Kilmalock* usque Præses Provinciæ Thomas Norrisius cum satis valida manu accessit, sed hoste ne quidam conspecto dispersis copiis Corcagium se recepit. Quo comperto rebelles confluenti magna perditissimorum colluvie agros vastant, prædas agunt, undique Anglorum arces, ædes, & prædia diripiunt, & incendunt, eosque passim crudelissime trucidant, Iacobum *Fitz-Thomas* è Desmonia Comitum familia in Desmonia Comitem, ita tamen ut *O-Neali* sive Comitum esset beneficiarius, erexerunt, & post mensem accensa in Momonia flamma prædis onusti recesserunt. Datis jam ad Hispanum literis victorias suas pleno ore

Q

laudat